

ՆԱՐԵԿ
ԱՂՕԹԱՄԱՏԵԱՆ
Ս. ԳՐԻԳՈՐ ՆԱՐԵԿԱՅԻՈՅ

Բան ԻԴ.

Ա.— Ու հիմակ, ինքզինքս ինչի՞ արժանի համարելով աղերս ներկայացնեմ Քեզի. արքայութեան՞ որմէ վրիպեցայ, թէ փառքիդ վայելչութեան՞ որմէ զրկուեցայ, անմահական կեանքի՞ դ, որմէ վտարուեցայ, թէ պարակցութեանը հրեշտակներուդ՝ որոնցմէ բաժնուեցայ. արդարներուն հաղորդակցութեան՞ը՝ որնցմէ զատուեցայ. իբրեւ ուր՝ կենդանի որթատունկի՞ն, որմէ քեցուեցայ, թէ իբրեւ ոստ՝ բերկրութեան ծառին, որմէ զօսացայ. իբրեւ ծաղիկ՝ փառքի շնորհի՞ն, որմէ թափեցայ, թէ ժառանգութեան պարծանքին՝ որմէ վրիպեցայ, թէ հայրական հարազատ գիրկին՝ որմէ ինկայ: միթէ կրնա՞մ պարծիլ լուսեղէն զգեստովը՝ որմէ մերկացայ. միթէ կրնա՞մ յուսալ դարձը ընդունողին՝ որմէ խորթացայ. միթէ կրնա՞մ դիմել լոյսին փափաքին՝ որմէ բաժնուեցայ. միթէ կրնա՞մ յօդիլ ոսկորներուն Յիսուսի՝ որմէ մերժուեցայ. միթէ կրնա՞մ մօտենալ թելերուն անոր՝ որմէ օտարացայ. միթէ կրնա՞մ ապաստանիլ այն ապաւենին՝ որմէ կասկածելով վախցայ. կամ փրկութեան նորոգումին՝ որմէ անկենդան դուրս ելայ. կամ այն զգաստ զուարթութեան՝ որմէ լքուեցայ. Ուխտի կեանքի այն կանոնի՞ն՝ որմէ հրաժարեցայ. կամ կրատրական անյելլի օրէնքի՞ն՝ որմէ սահեցայ. կամ անշարժ վեմին խստութեան՞ը՝ որմէ սասանեցայ. կամ գումարտակի շարքերո՞ւն՝ որոնցմէ դուրս ինկայ. անդրանիկներու քաղաքի՞ն մեջ շինուիմ՝ որմէ գերի քշուեցայ. միթէ աղօթեմ հանապազորդեան հացի՞ն համար, որուն համար չաշխատեցայ: Միթէ կրնա՞մ խնդրել վերցուիլն ինձմէ այն տաժանքներուն՝ որոնց համար չքրտնեցայ, թէ՛ պսակուիլ այն պարգեններով՝ որոնց արժանի չհանդիսացայ. միթէ կրնա՞մ ինձի համար յօրինել արձանը կեանքին, որմէ ջնջուեցայ. եւ միթէ կրնա՞մ յիշել ձիրը երախտիքիդ՝ զոր միշտ ուրացայ:

Բ.— Ահա՛ կտրուեցաւ, խզուեցաւ կեանքի յոյսին լարը. բորոտութեանց զարշափունը տիրեց վրաս. մարմինս ամբողջովին ախտաւորուելով հիւծեցաւ, սպառեցաւ. ապականութիւնը պաշարեց ու մեռցուց զայն Աստուծոյ: Փայլուն բայց տքեղ՝ լսնացած փոքրիկ պալար մը գոյացաւ վրաս, վերջամնացութիւն առաջին երկգոյն տեսքին, որ կը նշանակէ կրկնակի անմաքրութիւնը. պարծանքի նշոյլը իսպառ շիջաւ ինձի համար, փրկութիւնը վտանգուեցաւ, բարին մթագնեցաւ, կեանքի աղբերակը բոլորովին փակուեցաւ, մխիթարութիւնը վերցաւ. դատաստանին աստեանը մօտեցաւ, մահուան թոյնը արծարծուեցաւ մէջս, ինչ որ սպաննուած էր մէջս՝ նորէն կեդանացաւ. նաւահանգիստը մեծ քարերով խցուեցաւ. յոյսին շաւիղը կուրցաւ. շնորհին ծածկոյթը առնուեցաւ վրայէս. փառքին վայելչութիւնը ստուերացաւ. առաջնորդող հանճարս խափանուեցաւ. կշտամբանքին փուշը բազմացաւ. անօրէնութեան ուղէշը ծաղկեցաւ. գեհենին բոցը ինձի դէմ բորբոքեցաւ. ծառայութեան լուծը սաստկացաւ. ստրկութեան կապը զօրացաւ. շէնքին կառոյցը վեր բռնողն ինկաւ. բարձրութեան յենարանը

կործանուեցաւ. ընտանեկան կապը ջնջուեցաւ. Աստուծոյ Հոգին, որ սրբութիւն կը սիրէ, տրտմեցաւ:

Գ.— Եւ որովհետեւ դառնութիւններուն ամենավերջինը ճաշակեցի, կրելով տանջանքներ, խեղճեր, տխրութիւններ, հոգեկան վիշտեր, անբուժելի ցաւեր, անյուսադրելի տարակոյսներ, անպարտրելի ամօթանք, անվերարկելի խայտառականք, մտքէ չանցուելիք անչնալիք բաներ. անդարձ փախուստներ, անմարդասէր հալածանք, երկար եւ անպաշար ուղեւորութիւն, Դուն, Տէր Յիսուս Քրիստոս, ո՛վ փրկութիւն, զօրութիւն եւ օգնութիւն, ողորմութիւն, լուսաւորութիւն, քաւութիւն եւ անմահութիւն, Որդի կենդանի Աստուծոյ, արարիչ երկնի եւ երկրի, որ ծարաւներուն ջուր կ'ընձեռես անապատի անջրդի վայրերուն մէջ, Օրհնեա՛լ, բարեգո՛ւրթ, հզօր, մարդասէր, երկայնամիտ, խնամակալ, հնարաւոր, այցելու, աննախանձ, պաշտպան, յաղթող պահապան, անկորուստ կեանք, երկնային միջնորդ, աննուաղ լիութիւն, տօնելի երանութիւն, կենդանի խօսք, սիրոյ ձեռքդ՝ ողորմութեան աջդ երկարելով ընդունէ՛, ու քաւելով ու սրբելով զիս ամենապարտս՝ մօտեցո՛ւր Քու հաւասարապատիւ Հոգիիդ, որպէսզի Քու միջոցովդ վերստին հաշտուելով, իմ մէջս դառնայ եւ բնակի, ու ինքնութեամբ զօրեղը Քու ձեռքովդ եւ իր մաքուր կամքովդ զիս չօր ընծայէ նուիրելով, միեւնոյն ատեն շունչիս ողջոյնովը անբաժանելի միացումով բարեշնորհիդ հետ կապելով զիս: Ուստի, Քեզի, Քու Հօրդ եւ Սուրբ Հոգւոյդ, որ Երբեակ անձնաւորութիւն էք մէկ բնութեամբ եւ մէկ աստուածութեամբ՝ փառք, եւ ստեղծական էակներէն գոհաբանութիւն, յաւիտեանս յաւիտենից. ամէն:

Բառարան

Աղերս - Աղաչանք

Ուռ - Որթատունկի ճիւղ

Յօդ - կապ (մարմնի անդամներուն)

Անյեղի - Անշարժելի, հաստատ

Գումարտակ - Վաշտ, զօրագունդ

Հանապագորդ - Ամէն օրուան, ամէնօրեայ

Ձիւր - Պարգեւ, շնորհ

Լար - Նուագարանի կամ աղեղի թել

Կշտամբանք - Յանդիմանութիւն

Ուղէշ - Ճիւղ, բարունակ

Ընձեռել - Պարգեւել

Նուաղ - Անուժ, առկայծ, աղօտ: